



Administrativna komisija

Broj: 04-GV-02-1876/22
Sarajevo, 09.12.2022. godine

ZAPISNIK O RADU
34. SJEDNICE ADMINISTRATIVNE KOMISIJE
održane 09.12.2022. godine

Prisutni:

1. Jasmin Ademović, predsjedavajući
2. Toni Vukadin, član
3. Adi Škaljić, zamjenik predsjedavajućeg
4. Drago Jurić, član
5. Vedad Deljković, član
6. Dragan Stevanović, član
7. Bajro Biber, član

Odsutni:

Sjednici je prisustvovali:

- Mirjana Đanović-Stanić, rukovodilac Stručne službe Gradskog vijeća
- Mila Eminović, sekretar Gradskog vijeća

U ime predlagača sjednici prisustvovali:

- Muamer Kutlovac, Pomoćnik Gradonačelnice za finansije

Predsjedavajući Komisije je otvorio sjednicu u 15.30 sati, pozdravio prisutne i utvrdio kvorum za punovažan rad i odlučivanje.

Sjednica je započela razmatranjem i jednoglasnim usvajanjem Zapisnika o radu 33. sjednice Administrativne komisije održane 29.11.2022. godine.

Na prijedlog Predsjedavajućeg Komisije, jednoglasno je usvojen sljedeći **dnevni red**:

1. Javna rasprava o Nacrtu Budžeta Grada Sarajeva za 2023. godinu
2. Javna rasprava o Nacrtu Odluke o izvršavanju Budžeta za 2023. godinu
3. Tekuća pitanja

TAČKA 1.

Javna rasprava o Nacrtu Budžeta Grada Sarajeva za 2023. godinu

Uvodno izlaganje je podnio predstavnik Predlagača.

Poslije sažetka predsjedavajućeg, Administrativna komisija je jednoglasno usvojila sljedeći **zaključak**:



Administrativna komisija je razmotrila Nacrt Budžeta Grada Sarajeva za 2023. godinu, te daje sljedeće prijedlog.

Potrebno je pod ekonomskim kodom 821300 – Nabavka opreme, za potrošačku jedinicu 10010011, planirati sredstva uvećana za 60.000,00 KM koliko je bilo planirano u tekućoj godini za nabavku namještaja u Vijećnici, za potrebe Gradskog vijeća Grada Sarajeva, jer ova nabavka nije realizirana u tekućoj godini.

TAČKA 2.

Javna rasprava o Nacrtu Odluke o izvršavanju Budžeta za 2023. godinu

U raspravi su učestvovali članovi Odbora i iznijeli određena zapažanja, te postavili određena pitanja. Na pitanje u odnosu na člana 2. stav 6. predložene Odluke, šta znači da se rashodi i izdaci priznaju u periodu u kome je obaveza nastala, odnosno kojim dokumentom se potvrđuje nastanak obaveze. Predstavnik predlagača je odgovorio da je to faktura dobavljača, po realizaciji narudžbe odnosno ugovora o javnoj nabavci dodjeljenoj dobavljaču.

Poslije sažetka predsjedavajućeg, Administrativna komisija je jednoglasno usvojila sljedeći **zaključak:**

1. Administrativna komisija je razmotrila Nacrt Odluke i predlaže da se član 16. st. 1. dopuni brojem Službenih novina Kantona Sarajevo, gdje su objavljene izmjene i dopune Odluke o platama i naknadama u organima Grada Sarajeva.
2. U raspravi su postavljena i sljedeća pitanja
 - Može li, u odnosu na član 28. stav 3. Fiskalna odgovornost, neko osim gradonačelnice biti supotpisnik izjave o fiskalnoj odgovornosti?
 - Da li su osnovica i bod za obračun plate ugovoreni sa Sindikalnom organizacijom Grada Sarajeva?
 - U odnosu na član 7. stav. 2. Odgovornost, pitanje je koji su to ostali funkcioneri i rukovodioci u Gradu Sarajevu?
 - U odnosu na član 2. stav 9. Struktura Budžeta – na osnovu kojeg propisa je Grad Sarajevo kao jedinica lokalne samouprave „jedini budžetski korisnik“?

TAČKA 3.

Tekuća pitanja

Pod ovom tačkom dnevnog reda nije bilo zaključaka.

PREDSJEDAVAJUĆI KOMISIJE

Jasmin Ademović

Predsjedavajući Komisije je u 16.00 sati zaključio rad 34. sjednice Administrativne komisije Gradskog vijeća Grada Sarajeva.